



Bosnia and Herzegovina
Federation of Bosnia and Herzegovina

CANTON SARAJEVO
Institute for Canton Planning

Broj: 07-45-4252/21
Sarajevo, 15.11.2021. god.

Na osnovu člana 20. Zakona o državnoj službi u Kantonu Sarajevo ("Službene novine KS" br. 31/16) i članova 22. i 23. Zakona o Ministarstvima i drugim organima uprave Kantona Sarajevo ("Službene novine KS" br. 36/21), kao i člana 18. stav (1) i člana 25. Zakona o javnim nabavkama („Službeni glasnik BiH“ br. 39/14), Direktor Zavoda za planiranje razvoja Kantona Sarajevo donosi

O D L U K U

o poništenju postupka za nabavku usluge „Lektorisanje Strategije na bosanskom jeziku“ za potrebe Zavoda za planiranje razvoja Kantona Sarajevo po direktnom sporazumu

Član 1.

Poništava se Odluka o izboru najpovoljnijeg ponuđača za nabavku usluge „Lektorisanje Strategije na bosanskom jeziku“, broj: 07-45-4252/21 od 25.10.2021. godine kojom je Ugovor o nabavci usluge „Lektorisanje Strategije na bosanskom jeziku“ dodijeljen ponuđaču Mireli Omerović sa adresom u ulici Braće Kršo br. 29, 71320 Vogošća, ponuda broj: 07-45-4252/21 od 25.10.2021. godine, za ponudenu ukupnu cijenu ponude od 2.200,00 KM bez PDV-a, kao najpovoljnijem ponuđaču.

Član 2.

Poništava se postupak nabavke usluge „Lektorisanje Strategije na bosanskom jeziku“ iz razloga što dostavljene ponude nisu valjane jer fizička lica koja su dostavila ponude nisu registrovana i nemaju svoj identifikacijski broj, a što je propisano članom 2. tačka c) Zakona o javnim nabavkama („Službeni glasnik Bosne i Hercegovine“, broj: 39/14).

Član 3.

Ova Odluka će se objaviti na web strani Zavoda za planiranje razvoja Kantona Sarajevo, istovremeno sa upućivanjem ponuđačima koji su sudjelovali u postupku javne nabavke, u skladu sa članom 70. stav (6) Zakona o javnim nabavkama.

Član 4.

Za izvršenje ove Odluke zadužuje se Sektor za tehničku pripremu Zavoda za planiranje razvoja Kantona Sarajevo.

Član 5.

Ova Odluka stupa na snagu danom donošenja.



Sarajevo, Branilaca Sarajeva 26; Pošt. pret 105;
Tel: Centrala + 387 33 258-275; + 387 33 258-285;
Tel: Direktor + 387 33 226-736;
Fax: + 387 33 209-543;
Tel: Finansije, Tel/Fax : + 387 33 207- 321
Web: <http://zpr.ks.gov.ba> e-mail: info@zpr.ks.gov.ba



O b r a z l o ž e n j e

Postupak javne nabavke, shodno članu 90. Zakona o javnim nabavkama („Službeni glasnik Bosne i Hercegovine“, broj: 39/14) i „Pravilnika o postupku direktnog sporazuma Zavoda za planiranje razvoja Kantona Sarajevo“, („Službene novine KS“, br.74/21), pokrenut je Odlukom o pokretanju postupka nabavke usluge „Lektorisanje Strategije na bosanskom jeziku“, broj: 07-45-4252/21 od 21.10.2021. godine. Razlog za pokretanje nabavke usluge „Lektorisanje Strategije na bosanskom jeziku“ jeste činjenica da je Strategija razvoja Kantona Sarajevo 2021-2027. zvanični dokument Vlade Kantona Sarajevo na osnovu kojeg će se izrađivati ostali temeljni dokumenti za razvoj i funkcionisanje Kantona Sarajevo, te je od posebne važnosti da bude uređen, lektorisan i korigovan u skladu sa standardnojezičkom normom, kao što to trebaju biti svi zvanični dokumenti.

Javna nabavka je provedena putem direktnog sporazuma. Procjenjena vrijednost javne nabavke je 6.000,00 KM bez PDV-a.

Komisija za nabavke imenovana je Rješenjem broj: 07-45-4252/21 od 21.10.2021. godine. Dana 25.10.2021. godine u 12:00 sati sastala se Komisija za javne nabavke sa zadatkom da u skladu sa članom 90. i 64. stav (1) tačka b) Zakona o javnim nabavkama Bosne i Hercegovine, izvrši ocjenu blagovremeno zaprimljenih ponuda. Na ime Zavoda za planiranje razvoja Kantona Sarajevo, blagovremeno su zaprimljene dvije ponude od strane Mirele Omerović sa cijenom od 2.200,00 KM bez PDV-a i Senke Ahmetović-Palić sa cijenom od 2.288,00 KM bez PDV-a. Nakon pregleda blagovremeno pristiglih ponuda, Komisija je konstatovala da su navedene ponude valjane, te da su ponuđene cijene u okviru procijenjene vrijednosti nabavke. Uzevši u obzir navedeno, Komisija za javne nabavke je predložila da se Ugovor za nabavku usluge „Lektorisanje Strategije na bosanskom jeziku“ za potrebe Zavoda za planiranje razvoja Kantona Sarajevo, zaključi sa Prof.dr. Mirela Omerović sa cijenom od 2.200,00 KM bez PDV-a.

Za izvršenje usluge tražene provođenjem postupka javne nabavke, potpisan je Ugovor o autorskom djelu. Nakon objave i dostavljanja Ugovora Uredu za borbu protiv korupcije, zaprimljena je primjedba od strane istih, koja se očituje kroz činjenicu da odabrani pružalac usluge nije registrovan i nema svoj identifikacijski broj, te da i ostale zaprimljene ponude nisu valjane jer fizička lica koja su dostavila ponude nisu registrovana i nemaju svoj identifikacijski broj, a što je propisano članom 2. tačka c) Zakona o javnim nabavkama („Službeni glasnik Bosne i Hercegovine“, broj: 39/14). Obzirom na navedeno donio sam odluku o poništenju postupka javne nabavke.

Direktor:

Faruk Muharemović Mr. dipl.ing.arh.



Dostavljeno:

- Služba za računovodstvene poslove;
- 6 Sektor za tehničku pripremu;
- Arhiva;



Sarajevo, Branilaca Sarajeva 26; Pošt. pret 105;
Tel: Centrala + 387 33 258-275; + 387 33 258-285;
Tel: Direktor + 387 33 226-736;
Fax: + 387 33 209-543;
Tel: Finansije , Tel/Fax : + 387 33 207- 321
Web:<http://zpr.ks.gov.ba> e-mail:info@zpr.ks.gov.ba

